

НА ЛИТУРГИИ

блаженны Осмогласника: и от канона песнь 6.

Кондак, глас 4. Подобен: «Явился еси днесь»:

Фарисеева убежим высокоглаго́лания,/ и мытарéве научимся высоте глагол смире́нных,/ покаянием взыва́юще:/ Спа́се ми́ра, // очисти рабы́ Твоя́.

Ин кондак, глас 3. Подобен: Дева днесь:

Воздыхания принесем мытарская Го́сподеви,/ и к Нему приступим грешнии яко Влады́це:/ хочет бо спасения всех челове́ков,/ оставление подает всем ка́ющимся./ Нас бо ради воплотíся, // Бог сый Отцу́ собезначáльный.

Прокимен прилучившагося гласа.

Причастен: Хвалите Господа с Небес:

Подобает ведати, яко в сей седмице иномудрствующие содержат пост, глаголемый арцивриев. Мы же, [монаси] на кийждо день [се же, и в среду и пяток:] вкушаем сыр и яйца, [в 9 час.] Миряне же ядят мясо, развращающе оных веление толикыя ереси.

Аще случится праздник Сретения Господня в субботу мясопустную, служба умерших поется в гробнице вся, вечер и утро: аще ли несть гробницы, то поется в сию субботу пред Неделею о блуднем: а тамо в субботу мясопустную, точию празднику единому поется.